



O'ZBEKISTON RESPUBLIKASI VAZIRLAR MAHKAMASINING QARORI

20 22 yil « 24 » mart

№ 126

Toshkent sh.

Энергетика вазирлиги хузурида “Миллий диспетчерлик маркази” давлат унитар корхонасини ташкил этиш тўғрисида

Ўзбекистон Республикаси Президентининг “2022-2026 йилларга мўлжалланган Янги Ўзбекистоннинг тараққиёт стратегияси тўғрисида” 2022 йил 28 январдаги ПФ-60-сон Фармони ижросини таъминлаш ҳамда Ўзбекистон ягона энергетика тизимини ривожлантириш, электр энергиясини ишлаб чиқариш ва истеъмол қилиш баланси сақланишини ҳамда Марказий Осиё бирлашган энергетика тизимининг барқарор ишлashingни таъминлаш мақсадида Вазирлар Маҳкамаси қарор қиласди:

1. Энергетика вазирлиги, Молия вазирлиги, Иқтисодий тараққиёт ва камбағалликни қисқартириш вазирлиги, Давлат активларини бошқариш агентлиги ҳамда “McKinsey & Company” халқаро консалтинг компаниясининг:

Энергетика вазирлиги хузурида “Миллий диспетчерлик маркази” давлат унитар корхонасини (кейинги ўринларда – Миллий диспетчерлик маркази) ташкил этиш;

Миллий диспетчерлик марказига “Ўзбекистон миллий электр тармоқлари” АЖ ҳамда “Худудий электр тармоқлари” АЖнинг миллий, регионал ва худудий диспетчерлик функцияларини ўtkазиш тўғрисидаги таклифлари маъкуллансин.

2. Қуйидагилар Миллий диспетчерлик марказининг асосий вазифалари этиб белгилансин:

ягона электр энергетика тизими реал вақт режимларида оператив бошқариш ва унинг ишончли ишлashingни таъминлаш;

ягона электр энергетика тизими таркибига кирувчи корхоналарнинг диспетчерлик бошқарувини амалга ошириш;

электр энергиясига бўлган талаб ва таклифдан келиб чиқиб, шунингдек, электр энергиясини ишлаб чиқариш ва унинг истеъмол қилинишига таъсир қилувчи барча омилларни ҳисобга олган ҳолда, уни ишлаб чиқариш ва истеъмол қилишнинг ҳар соатлик режимини шакллантириш;

ягона электр энергетика тизимининг техник ва иқтисодий жиҳатдан энг мақбул режимларда ишлashingни таъминлаш;

ягона электр энергетика тизимининг қўшни давлатлар энергетика тизимлари билан параллель равища ишлаш режимларини бошқариш;

Миллий диспетчерлик маркази ходимларининг хорижда доимий равища малака оширишини таъминлаш ҳамда малакали хорижий мутахассисларни Миллий диспетчерлик марказига жалб қилиш;

авария режимлари юзага келишининг олдини олиш, уларни бартараф этиш ва авария режими бартараф этилгандан кейин тизимнинг ишончлилигини тиклаш.

3. Бошқарув ходимларининг умумий чекланган сони 259 нафар штат бирлигидан иборат Энергетика вазирлиги ҳузурида “Миллий диспетчерлик маркази” давлат унитар корхонаси тузилмаси иловага мувофиқ тасдиқлансин.

4. Белгилансинки:

Миллий диспетчерлик марказининг асосий бошқарув пульти Тошкент шаҳри, Яшнобод тумани, Истиқбол кўчаси 21-й манзилдаги бинода ҳамда захира бошқарув пульти Тошкент шаҳри, Юнусобод тумани, Осиё кўчаси 42-йда манзилдаги бинода жойлаштирилади;

Миллий диспетчерлик марказининг амалдаги бошқарув пульти собиқ “Ўзбекэнерго” АЖ биносидан “Ўзбекистон миллий электр тармоқлари” АЖ биносига уч ой муддатда кўчирилади;

Миллий диспетчерлик марказининг асосий бошқарув пульти тўлиқ ишга тушгандан сўнг асосий ҳамда захира бошқарув пультлари уч ой муддат параллель ишлайди;

Миллий диспетчерлик маркази фаолияти тўлиқ ташкил этилгандан сўнг “Ўзбекистон миллий электр тармоқлари” АЖ ҳамда “Худудий электр тармоқлари” АЖда тегишлича реле ҳимоя ва автоматика қурилмаларини эксплуатация қилиш, энергия оқими режимларини ишлаб чиқиш, электр қурилмаларини таъмирга чиқаришни ташкил қилиш функциялари ситуациянтаҳлил бошқармалари кўринишида сақлаб қолинади;

“Ўзбекистон миллий электр тармоқлари” АЖ, “Худудий электр тармоқлари” АЖ Давлат активларини бошқариш агентлиги билан биргаликда Миллий диспетчерлик марказининг худудий филиаллари тўлиқ фаолият кўрсатиши учун зарур инвентарлар, алоқа воситалари ва бошқа барча ускуналар билан жиҳозланган хоналарга текин фойдаланиш ҳукуки асосида жойлаштирилади;

энергетика объектларининг барча диспетчерлик бўғинларида мавжуд электр қурилмаларнинг тезкор бошқарув бўйсунуви қайта кўриб чиқилгунга қадар жорий тезкор бошқарув бўйсунуви амалда сакланади.

5. Куйидагилар Миллий диспетчерлик маркази фаолиятини молиялаштириш манбалари этиб белгилансин:

“Иссиклик электр станциялари” АЖ, “Ўзбекистон миллий электр тармоқлари” АЖ, “Худудий электр тармоқлари” АЖ ва “Ўзбекгидроэнерго” АЖ

ҳамда электр энергиясини ишлаб чиқарувчи ва тақсимловчи бошқа ташкилотларга шартнома асосида диспетчерлик хизматини кўрсатишдан тушадиган маблағлар;

халқаро молия ташкилотлари ва хорижий хукумат молия ташкилотлари маблағлари;

ҳомийлик ҳайриялари ва қонунчилик ҳужжатлари билан тақиқланмаган бошқа манбалар.

6. Молия вазирлиги Энергетика вазирлиги билан биргаликда бир ой муддатда Миллий диспетчерлик марказининг даромад ва харажатлари сметасини тасдиқласин.

7. Энергетика вазирлиги бир ой муддатда:

а) қуидагиларни назарда тутувчи Миллий диспетчерлик маркази тўғрисидаги низомни ишлаб чиқсин ва Вазирлар Маҳкамасига киритсин:

Миллий диспетчерлик маркази фаолиятини ташкил этиш, унинг вазифалари, функциялари, ҳукуқ ва мажбуриятлари;

“Иссиқлик электр станциялари” АЖ, “Ўзбекистон миллий электр тармоқлари” АЖ, “Худудий электр тармоқлари” АЖ, “Ўзбекгидроэнерго” АЖ ва йирик истеъмолчилар ҳамда лойиҳалар асосида ягона энергетика тизимиغا уланаётган янги қувватлар Миллий диспетчерлик маркази томонидан фаолияти доирасида берилган топшириқларнинг сўзсиз бажарилиши мажбурийлиги;

бошқа давлатларнинг электр энергетика тизими билан параллель равища ишлаш қоидаларининг аниқланиши;

электр энергетика тизими обьектларидаги асосий электр қурилмаларини таъмиrlаш ёки синов-созлаш учун чиқариш ва қайта ишга киритиш;

Миллий диспетчерлик маркази тўғридан-тўғри диспетчерлик департаменти, реле ҳимоя ва автоматика бўлими, республика ягона энергетика тизимини ва уларнинг қутий бўлинмалари орқали тезкор-техник бошқарувни амалга ошириш;

б) Миллий диспетчерлик марказининг уставини, унинг молиявий-иктисодий фаолият кўрсаткичларини инобатга олган ҳолда, Миллий диспетчерлик маркази ходимларининг меҳнатига ҳақ тўлаш ва уларни рағбатлантириш тартибини ишлаб чиқсин ва белгиланган тартибда тасдиқласин;

в) Энергетика вазирлигининг ташкилий тузилмасини ва марказий аппаратининг бошқарув ходимлари умумий чекланган сони ва тузилмасини ўзгартириш тўғрисида таклиф ишлаб чиқсин ва Вазирлар Маҳкамасига киритсин.

8. Энергетика вазирлиги, Иктиносий тараққиёт ва камбағалликни қисқартириш вазирлиги, Молия вазирлигининг “Иссиқлик электр станциялари” АЖ ва “Худудий электр тармоқлари” АЖ тизимидағи ташкилотларни ушбу жамиятларнинг худудий филиаллари этиб қайта ташкил этиш таклифларига розилик берилсин.

9. Энергетика вазирлиги, “Ўзбекистон миллий электр тармоқлари” АЖ, “Худудий электр тармоқлари” АЖ мазкур қарор талабларидан келиб чиқиб, “Ўзбекистон миллий электр тармоқлари” АЖ ва ҳудудий электр тармоқлари корхоналарининг ташкилий тузилмасини қайта кўриб чиқиб, Кузатув кенгашига тасдиқлаш учун киритилишини таъминласин.


10. Мазкур қарорнинг бажарилишини назорат қилиш Вазирлар Маҳкамасининг Геология, энергетика, саноат ва унинг базавий тармоқларини ривожлантириш масалалари департаменти ҳамда Ўзбекистон Республикаси энергетика вазири А.С. Султанов зиммасига юклансин.

**Ўзбекистон Республикасининг
Бош вазири**



А. Арипов

Энергетика вазирлиги хузуридаги “Миллий диспетчерлик маркази” давлат унитар корхонаси ТУЗИЛМАСИ



Бошқарув ходимларининг умумий чекланган сони – 259 нафар

Техник ва хизмат күрсатуучи ходимлар сони белгиланган нормаларга мувофик аниқланады.

Энергетика вазирилгига мазкур ташкилий түзүлмөгө ўзгартириши ва құшымчалар киристиши хүкүкі берилады.

